

Patrie dal Friûl

SFUEJ SETEMANAL INDIPENDENT

DIREZION E AMINISTRAZION: UBIN - BORG DI PRAMPAR, 10 - TELEFON N. 618

Abbonament: par an 600 fr., par sis mès 300

Friûl Oriental e autonomie regional

I nest 's amis furlans dal Guriz-zan e di dute la Furlanie tra il Lu-sinz e il Judri, nuf an plu di une volte lâr cognossi il lôr pinsir sul proposit dal moviment autonomi-stic.

In realtât lôr si cjâtin a jessi, sot di qualchi pont di viste, in cundizions diferents dal restant dai furlans.

La division politiche de Furla-ne causade da Vignesie, ancjemò eino secui indaûr no je rivade ad-ore di creâ une division etniche nè linguistiche, nè spirituale; ma 'e à dividudis lis cundizions di vite e il cors de storie. Cussì il Friûl orientâl al à une sperienze di vite autonomistiche durade dal '860 al '918, che il Friûl Udines nol à. E su chest pont il Friûl Orientâl al à une sensibilità che noaltris no podin trascurâ. In secont lûc la quistion de convivenze tra fur-lans e solâs, in chês zone 'e je za une vore scotant, plui ancjemò di chel che no sedi te provincie di Udin. Il cunfin pulitic ch'al veg-narà segnât in seguit al tratât di Parigi, al è un cunfin economicamen-tri impussibil: al puarte la paralise dal scambi e te zità di Gurizze e in chês part de provincie che reste sot da l'Italie, e ancjemò plui in chês part che va a fi-rile sot de Federative Jugoslave. Chest lu capissin benon, tant di ca che di là. Dunque il cunfin puli-tic nol poderà jessi o durâ come cunfin economic. Si scugnerà par fuarze viarzi tratativis tra chesc e chel par evitâ barieris doganals che che causassin il spopolament e la muart di chel pais.

Par chestis resons e par altris di chest gjenar i gurizzans 'e son persuadûz che l'ordenament auto-nomistic regional tes formis ch'è la Constituent 'e intint di dâ a duiis lis regions, nol presente garanzis di sodisfâ par nuje 'es lor esigen-zis. E cun dute la lôr ferme vo-lontât di restâ uniz al Friûl odi-nês no puedin contentâsi di jen-trâ a fâ part di une region, duiâ che lis provincis — s'e restaran in pîs in quacchi forme — si ri-dusaran al ufizi di trasmeti prati-chis ai organos centraj.

Chest 'e je la reson de lôr insistenze su l'autonomie de lôr provincie integre cui teritoris di Monfalcon, Grau e Zervignan.

Denant di chesta situazion s'presente une sole maniere di dis-gredeâsi: che la Region furlane 'e vegni costituide in Autonomie particular, cun tun ordenament a tipo cjanonâl, indula che Gurizze e vebi, dentri dal limit des sôs quistions speciâls, une libertât di moviment ancje denant dai orga-nos regional. I gurizzans no an

nuje in contrari, anzi 'e son dal dut a favôr che ancje Udin e Tu-miez e Pordenon 'e conservin, tai lôr interes ch'è stesse libertât. Tanti plui che la quistion de con-vivenze di elemenz scâs o tedescs si presente ancje par Udin, e do-man 'e podarès diventâ plui scot-ant, une volte che tal Gurizzan 'e vès une soluzion plui adate.

'E je clare che il Friûl Orientâl al podarà sperâ che chestis aspi-racions 'e vegnin sodisfatis plui facilmentri denri di une Region furlane, che no dentri di une gran-de Region Venete, che dal sigûr non otegnarès un ordenament a part, tal quadri des regions ita-lianis.

'O vin juste tocjâ i tiarmis di chesta situazion, che il studiade cun calme e serenitât; 'o tornarin ancje sul argument, e intant 'o in-vidin duc'; autonomisc' furlans a rindisi cont dal pês che in i resonanz dai nestris fradis dal Friûl orientâl.

Un conziart al Malibran

Il primât di Vignesie e l'integritât Trivenite

Domenic stude, tal teatro Ma-li-bran di Vignesie, furnit di pezzis tricolors e di leons cu lis mustar-cis, in Societât Anonime « Salvâ Vignesie » 'e à tignût un comizi par afermâ il primât de Serenissime patrie di dut il Venet, e l'integritât de Region Trivenite. Gjirani quacchi stecche ogni tant, massime dapri dal spetacul, il conziart de retoriche filoveniziane, al è stât ben nudri e sunsâr e duc' i istrumen-zis 'e an fat il lôr fat come ch'al leve fat.

'E s'comenzât la cuaruele de Societât Venete di Elettricitât ch'al vegnarès a jessi l'ar. Anzi — un furlan incognestant, grues azionist di ch'è Societât, — sunant la marza trionfâl de Region Trivenite, in nûn de storie. Cui sa mai dula ch'al à studiade la storie l'arocet Anzi?

Il trombon di rinjuarz lu à sunât l'ar. Cianquinto, il sicilian di Tra-pani, sindic di Vignesie e naturâl protetôr di qualche dôzene di miârs di paisans innidâz cheati sù; chest al à vâl indiment l'unitât indis-solubil de Patrie che, par tant ch'al par, 'e sarès salve se il Friûl si sogjelas a Vignesie: e Vignesie, fuarine, 'e sarès disponude a cja-pâsi su lis spalis il pês di fâ di un pîlûl a l'Italie superiôr.

Dopo al è jentrât te orchestre, cu le sôs sôs squilant, l'ar. Ottolenghi, abreo e President de Cjamar de Comerzio, ch'al à dit dut il mûl pussibil de Furlanie, des sôs monz nudis, de sôs campagnis gleveoss e improdutivis, de sôs miserie uni-versâl.

Si capis che la Cjamar de Co-merzio 'e je in pinsir parve dal fagnut dai furlans: ch'al vignâr 'e stai a Salvare Venezia!

Lu à compagnât in sordine l'a-bao: 'o volin di l'arocet Tursi, a-

Dai yerboi de Seconde Sotcomis-sion da l'Assemblee Constituent ita-liane al risultarès che tal articol secont dal ordenament regional 'e saressin stadis metudis, in tun prim timp, chestis peraulis:

« Pe Sicilie, pe Sardegne, pe Val d'Aoste, pal Trentin-Alt Adige e par chês altris regions che intin-dessin di domandâs 'e vegnarin stabilidis formis e cundizions par-ticulars di Autonomie, tun statûz spezial che varan di jessi aprovâz midiant lez di valor costituzio-nâl ».

Dopo, in cors di discussiun, is peraulis: « e par chês altris regions che intin-dessin di domandâs » 'e saressin stadis lassadis fûr e il test ufizial dal proget nol lis à plu.

Cussì, stant a l'ordenament propo-nût de Seconde Sotcomis-sion il Friûl al podarà jessi ricogno-sût di bessol come Region, ma nol varà nissun tratament diferent des Marchis, de Toscane, de Ca-labrie o de Campanie.

'E je une quistion che va torna-de a solevâ. 'O ricognossin lis re-sons che an de lôr bande il Bas Tiroi, la Val d'Aoste e ancje se si di la Sardegne: e sul cont de Sicilie plui si distache e miôr al è. Ma nus par di no jessi — tal ne-stri Friûl — su chel plan istes da l'Umbrie o da l'Emilie o de La-canie e di vè chei titni istes che an

bunzâs e president de Deputazion Provinciale (e sin di mûl a Vigne-sie se fra lauc' abitanz des « ca-jutis » e dai « cjampieç », si scugne lassâ lis primis carichis al forest); e chest al è sunât tant ben che lu an fat tasê a fuarce di bati lis mans.

In chês volte al è dat sot il flam-o sicilian di Pordenon, ch'al ren a jessi l'ar. Sandro Rosso, ch'al a l'ufizi legâl dai Colonizis Venetians (e je simpri lì la spiegazion di dut) ch'al à contât che il Sindic di Udin e il gnûf president de Casse di Risparmio 'e son contraris 'e re-gjon furlane: e nol corrento nujaltri! Pecjât nome che la sôs sunade 'e sedi stude disturbade da qualche furlan di altre impiaun, ch'al jere prisint.

Ma l'orchestre si è ripiade dal moment midiant di un bombardin di mareje literie, sunât dal ex so-greteri dal fassio di Latianc, omp di mont, colonar: da l'A. O., pra-tic di cjavai, monachic e qualun-quist, che al à fessude la storie de Serenissime fientemai a la ne-ve Leghe di Cambrai. (Nome che il biel al è vignût dopo!)

Il conziart al è stât stant a sun di batariis dal on. Ponti. Batariis retorichis di fuzil efiet, indula che par lassâ la bocje dolce, no son mancjadis lis laudis dal Friûl e lis promessis di prossime arlature di un paradîs terest sot l'insegne dal Leon di San Marc.

Fûr di programe al è cjapade la teraule, in ultim, il nestri Chino Ermacure, par cont dai furlans, « al à dila... che nol è vèr nuje: une vilote nostrane — al ren a staj — dopo la polifone filoveniziane. E intant un nûl di manifestins pa "autonomie furlane al è plot jû da l'alt a conclusion di dute la gran-diose manifestazion dai salvadôrs di Vignesie.

Pentimenz fûr di puest

L'articul secont dal ordenament regional italian

il Bas Tiroi o la Val d'Aoste a un tratament particular. 'O volin di che s'al è just che Bas Tiroi e Val d'Aoste, par vie de popolazion mi-stillingue, parvie des minoranzis di altre razze e nazionalitât e di duiis lis quistions che nâssin di lì, 'e vebir la libertât di stabili for-mis di convivenze particulârs, al è just in chês stesse misure che il Friûl cui siet miars e miars di Scâs tal Gurizzan, sui Cuel, tal mandament di Cividât, di Tarcint, di Glenone, te Resie, te Val Cja-nâl e cui tedescs di Tarvis, Mal-borghet, di Sauris, di Timan e cet. al vebi lis mans libaris par creâ une cundizion di paritât, di justizie e di pacificis relaziuns tra i furlans e chestes int di altre zoeje

che scuon vivi insieme cun nò. I furlans dal Gurizzan e dai Cuel, une volte, la vevin cjatade chestes strade e no si cjatavin mâl. Che'altris furlans, usâr a vivi e a lavôrâ insieme, cui lôr vizins, e cognossin il lôr temperament, lis lôr custumanzis, lis lôr esigienzis e no stentaresin a metisi dacordo.

Invezit Rome, cul so esercit di funzionaris ciferiêj no à mai capît e no capirà mai nuje e no cumbi-narà mai altri che falopis, come che sta cumbinât ore prisint tal Bas Tiroi cui regimenz di soldâz e di sinistrâz meridionaj che à man-dât lassâ a dâ spetacul di serie-tât e di dignitât.

Par chel 'o tornin a di che su chest pont si scugnerà tornâ.

Croniche di une setemane di ativitât autonomistiche

Al situarz di Vignesie e di pòs furlans personamentri leâr al in-teres venezian, cuntri l'autono-mie dal Friûl, i autonomisc' fur-lans 'e an rispindût cun prontez-zis: chestes setemane 'e je stude piene di attivitât che fasin sperâ tra pe nestre cause. Di dutis lis bandis al par che si vebi capide la difugne di dâj sot d'arman, las-sant de bande lis cjacris e lis ad-esions platonichis. 'O registrin cûl i ponts plui impuartanz de chesta ativitât.

Il "Moviment Popolâr Furlan", pa l'Autonomie Regional

Si è constituit a Udin, cun ad-esion e partecipazion di represen-tanz des zonis orientâl e occidentâl dal Friûl, un « Moviment Popo-lâr » cu l'intindiment di tratâ e di paartâ in piazze lis necessitât de nestre Region in chesc' momenz e comandâ a Rome la plui largje an-tonomie pussibil tai limit da l'uni-tât taliane.

« Si trate di fâ sinti a Rome — al dis il manifest programatic — la nestre vòs, par che la volontât de Furlanie 'e sedi fate cognossi in dute la sôs umanitât quan'che, di ch' a pòs mès, dute l'assemblee constituent 'e sarâ clamade a risolti la nestre situazion. Al è nestri in-tindiment di presentâ 'e popolazion furlane lis quistions che si riferis-san a l'autonomie — quistions che devin jessi prime distrigadis par che si puedi risolti ogni altri ber-zeç — e di mostrâ ai furlans a ce risultâz ch'o stin vizinansi, dopo di vè superadis dutis lis dificultât e a dispiet di ogni manovre di inte-res forest ».

Il Moviment Popolâr Furlan al à intenzion di unî, parsore di duc' i partiz, dutis lis fuarzi fintremai cumò dividudis, di chei che viodin tes autonomis regionals l'uniche garanzie de libertât democratiche. Ogni furlan ch'al sostegni cul so consej e cu la sôs opare chest mo-

viment ch'al varâ di jessi l'espres-sion plui genuine de volontât dal nestri popul ».

Li manifest al puarte chestis fir-mis: dr. L. Ciceri, dr. G. F. D'A-rience, Chino Ermacore, dr. S. Vi-govani par Udin, dr. P. P. Pas-solini par Cjasarse, av. L. Pettarin par Gurizze, prof. A. Venodo par Pnart.

La sede dal M.P.F. 'e je in con-trade Belloni, 10

"Il Comitât Esecutî pa l'Autonomie"

Il Comitât provinciâl pa l'Auto-nomie al à rinvit sabide de sete-mane passade i rappresentanz dai partiz par tratâ de posizion che si à di cjapâ in relazion 'e domande face da l'Assemblee Constituent che ul saye ce che pensin i consejs mu-nipal e lis altris istituzion de Region.

I rappresentanz de Democrazie Cristiane, dal Partit Republican, dai Partit di Azion 'e an declarât di aderî al moviment autonomistic. Che 'altris si son risarvâz di pro-vocâ une rispuete ufizial des ra-presentanzis provinciâls dai lôr partiz.

Jo-be, 16 dal mès, rivadis lis ri-spuetis di duc', fûrche ch'è dai I-l-brazz, al è stât constituit un Comi-tât Esecutif, ch'al è formât di che-sis personalitât: on. T. Tessitori, president; av. M. Livi pe Deputa-zion Provinciale; prof. G. Pietra pe Cjamar de Comerzio; on. prof. M. Gortan e ras. I. Del Bianco pe S.F.F.; col. G. Morra pe Federa-zion dai Combatenz; av. R. Scro-soppi pa l'Associazione provinciâl dai Mutilâz e Invalîz; av. A. Can-dolini, av. A. Ajlatere, prof. R. Morpurgo; per. G. Braidot; dr. N. Del Bianco; Z. Chiaruttini de Zon-te Camerâl; av. Z. Tomè, inz. I. Girolami; Chino Ermacore pal Mo-viment Popolâr Furlan.

Il vôt de Cjamaré di Comercio

La Cjamaré di Comercio, Agricolture e Industrie di Udin, formade dai rappresentanz di due i partiz dal C.L.N., invide a fa cognosci il sô pînsir sul cont da l'Autonomie furlane insieme cu lis amministrazions di dute la provincie, e a formulât, te reunion di miarçis stât, il vôt di due i componenz, che tal gntûf ordenament politic e amministrativ dal Stât talian, il Friul al sedi ricognossût Regjon di bes-sol.

La pusizion dal partit socialist sul cont de region furlane

La rappresentanz provincial dal Partit Socialist, su la quistion da l'Autonomie Regional furlane e a stabilit di lassâ libertat ai sici aderenz di pronunziâsi secont il lôr vîdiz. Lis lôr preferenz.

Un o.d.g. dal partit comunista

Il Comitât Provincial de Federazione Comunista Furlane, dopo di vè tratode la quistion da l'Autonomie Regional e a votât un o.d.g. indult che si aderis al principi da decentrament amministrativ a base regional, si ricognos che il Friul di bessol al podarès jessi un dai organismis decentrâs, ma no approve la forme di autonomie aretade de seconde Sotcomission, forme che rapresente sostanzialmentri il pînsir de Democrazia Cristiane, che aretates in pericol l'unitât nazional e che ritardares la risoluzione di altris quistions socials plui impuartantis. L'o. d. g. al vîdiz in cheste campagne di stampe pro e -mîntri da l'autonomie un tentatîf di distrâj l'atenzion dal public des cjosis plui vitalis e urgentis dal moment, e tal lei il Friul cu la Regina Julie al ricognos un pericol na l'indipendence nazional fîntre-mai che i confins no saran stabiliz, parç che se Trieste al ves di tornâ a l'Italie, l'autonomie di cheste Region e podarès restâ sot di control inberazional ch'a nol è rissun parç di slargjâ ancje sul Friul.

La Federazione Comunista, par consequenze, e da ordin ai sici rappresentanz dai consis comunai, de Deputazion Provincial e di ogni altri organismis public, di metisi cuntri di cheste riforme generâl de sô estension al Friul e ur comande di illuminâ lis massis populars su cheste no pusizion.

Un comizi „PAL FRIUL“

In rispuete al comizi che domane passade al è stât tignût a Vignesie, par cont dal Comitât „Salvare Venezia“ cuntri lis aspirazions furlanis a l'indipendence regional, il M.P.F. al tignâr uè, 29 di zenâr, es. 11, un altri comizi tal Teatro Puccini di Udin, dutà che s'ar invide a vigni due i furlans di zità e di forvie, e che an prometât di cjapâ part ancje i rappresentanz de cuntri contrarie.

L'Associazione „Pro Sanderl“ e aderis al M.P.F.

La segretarie dal M.P.F. e a ricevût un telegram indult che l'Associazione „Pro Sanderl“ a tignâr dai socios convocâ in assemblee e manifest „vôt che l'autonomie regional amministrative e pueri realizâsi e l'adesion incondizionade es aspirazions de Patrie furlane, dentri l'unitât taliane.

Für de vie gjerarchiche UNE GNOVE FERADE tra Udin e Puart

Dopo la notizi publicade sui sfuejs che une gnove line feroviarie e sates in projet par un il puart di Nujâr cul centro de Regjon, e je fresche la novitât che une ferade da Puart a Udin e vegnare scomenzade cheste viarte.

Al è un biel piez che l'autoritat local e veve aprovât il projet par cheste line, ancje par distruvi la disocupazion dai nestris pais, e lu veve mandât indenant par vie gjerarchiche. E coventave l'aprovazion dal Magistrât des Aghis di Vignesie, ch'o savia par lungje sperienze cecât ch'al trate i interes dal Friul. Dopo mès e mès di pazienze e di praticis burocraticis indrojadis, il Magistrât di Vignesie al rimandave indaûr ogni cjosse can tan biel no.

In ché volte i nestris tecnicos e l'ing. Girolami e an pensât di saltâ la vie gjerarchiche ordinarie e si son avodâ a l'autoritat aleade, e cul jutori di ché e an podât gjavâ des grifis di Rome une prompte aprovazion.

Cussì — si vera sunt relata — di chl a un pâr di mès e vegnaran scomenzâs i lavors e si calcule che tra un an la gnove ferade e pueri jentrâ in eserciz.

Ognidun al vîdiz ce impuartance che al po' vè ch'est svilup de ret feroviarie in raport e nestre economie regional: e o sperin che lu capissin ancje chei di Puart.

FRIULI - CAPRI:

Letare viarte a Massimo Simili

„Patrie dal Friul“ a slôr Cjandù - Bertoli Simili.

Mandi, Simili. Dontri sestu, par riasê, Parç che — viodistu comât che jè? — lis impinions dal xrossim sul cont dal Friul e di pendin simpri di li. E ancje chês dai furlans sul cont dal prossim.

Tu as scrû sul to Cjandù - Bertoli une fetole sul Friul plene di monadis. Tu as di jessi di lontanut, tu; magari no di mîez in jù, parç che dai di mîez in jù e cognossin benon il Friul, pais di cucagne par lôr!

Ma tu, tanche la plui part dai talians tu la cognossis malamentri, ancje se tu sês stât a Zernignan qualche setemane, cu la lune par travars.

Prime di dat tu as vât ch' di intulâ la tô fetole sul Friul: „Capri“. Eh no, Simili, cheste no tu veris di fâle, che noaltris no il ven fat nissun mâl. Tu poderis magari intulâle Mindanao, o Shetland, o Kila - Sciù se ti plasja lis isulis, ma no Capri, jole!

Po' dopo tu disis che il Friul al è tal Venet. Sesta mal, Simili?

E je intrigade di dutà ch'al è il Friul: cui la met in Todesclarie, cui in Sclavanie parvie di Rine Fort e nome chei di Vignesie e uelin ch'el sedi in Gianquintarie. Noaltris o disaressin ch'al sedi in Lombardia. Parç che, viodistu, par tant ch'al pâr, noaltris si è di sanc celtic come i lombarz, o vin imparade la ziviliz dai aquilis latinis come i lombarz, o sin stâz un piezzat sot i longobarz e i Carolins, come i lombarz; dopo o sin stâz bessol, tanche i cumons lombarz; dopo e je vignude Vignesie a regolans lis cuesis come a Bressie o a Bergamo: po' o via provât i francès, po' l'Austria e di fresc un fregul d'Italie: propit come la Lombardia, poc su poc jù.

Po' in vegnis fûr a di che i furlans e fâlin l'acent tal nomenâ la lôr Patrie e la clamin Friul. Ma ce l'impensist? I furlans la clamin Furlanie o ancje Friul can tun uun lunc come le sbatule dai talians: o sês vualtris, di venciâ, ch'o disês Friul, par jâns vigni se la fote. Ce temni che tu sês, Simili!

Tu fevelis di dialet furlan: zercje ca, mo'! E ti pâr di strani ch'o disin: mandi. Eh, chel nol è anje. O sin bogns ancje di diti toic ti tral, se tu tornis a seclâns lis mîrindis.

Tu fevelis dal Pope Poppo. Po'

no, anime. Poppo al jere nome un patriarcje di Aquile: un patriarcje lodesc, che nus a fâle une basiliche che noaltris can jè s'infolin dal Domo di Milan fat di zucur filat.

Tu as indiment i tarcs che son rivât ca dopo Cjaurât: e prime, no? Dint par grazie di Vignesie o di Rome ve', Simili. I talians nus an simpri difindûz a... spiron baci, sore ch'o jasin la uardie sui canfins.

I tui amî. Zavate e Pasquellis e saran ben Udinês; ma e son une triste amicitie se ti an eradit cussì malamentri sul cont dal Friul. No sta là daûr di lôr, che li mena pal boro, dal sigûr.

SESSANTE APARTAMENZ gnûs a San Sualt

A San Sualt, es puartis di Udin, e saran in curs ultims i lavors des cjasis populars, indult che podaran cjatâ di là a sotet une sessantina di famêis.

O vin savât che in Cumune e saran za studis presentadis pœ su pœ un miâr di domandis de bande di int conce cjase che spêrin di toâc sistemâsi. Ma une quarto part di chestis domandis e son studis fatis da bassaruj capilâz culi in chesc' ultims agn, che an cjatade la fole, midiant dai soliz coparis, di jâsi nolâ tra i residenz tal Cumon.

O sperin che il Munizipi al jasi lis robis come tu va; ma no savint ce personis che saran incaricadis di jâ la sielte fra tanc' postulans, e inscucilâz come che si è di una lungje spioranze, o disin ai furlans che an vuide la cjase adumade: — Stait atenz e canore!

Il C. L. N. di Gurizze

al domande un referendum sul cont dall'ordenament regional

Il Comitât di Liberazion Nazional che a Gurizze al è anjemò in fuizion, in viste des polemichis che si son impiadîs parvie des circoscrizions regionâls, al a mandât ai President da l'Assemblee Costituent ch'est telegram:

Il C.L.N. di Gurizze, interpretant il pînsir de popolazion, al iis prisint che prime di cjapâ decisions sul cont di circoscrizions regionâls che interessin Gurizze al è necessari ch'al sedi domandât li parê des istituzions gurizanis, come ch'al è stât fat in altris siz.

Fin di cumò al vise che bisugne tigni te plui grande considerazione la fuizion specialissime di Gurizze sul cunfin orientâl.

Ai furlans

pal mont

RINO CALIGARIS - Rua da Curia SANTHOS (Brazil)

O vin cyspât un pac di quatri chilos e sis cent di café e une cassete di quatri e vot cent di tabac, ma a prein di no mandâ plui di tuc' gjenars par vie che la Finanze bur a iat paia une sissule che no come com fa la spedizion par rimeti bês. Luzie, Mariane e Vigjot ti salêdin tant e magari in ritart e ti disin buinis fiestis. Mandi

BENEDET

...

AMADIO CELEDON - Calle Jujui 3612 - ENTRE RIOS (Argentina).

Mandi fradi, salude i cusins e li barbe. Par Pasche o ai speranze di fa lis fiestis insieme se o rivi adore di disberdeâ la fazzende e di cjapâ un imbarco. Se us covente le scriveimi prime par aërio.

PAULIN

La scavazzere in vore

O ziodin can plasê che la Questure e a fâle o anjemò e fâs une bicle pulizie di ché servozie di „segnozinis“ plombadis cul daûr dai alenz, di dutis lis regions dal „biel pais“ o che an plantât il quartr gjenarâl tra i puartis dal Munizipi, chei di Marçatieri e chei di plaze S. Jacum.

Cumò une vore di chestis bravis zovinis e son stâdis spedidis a cjase lôr. Ma al par dal impossibil che, dongje di chês tantis che an la... patente, a' nâi capîti quasi ogni gnot qualche zualade di chês claudistinis tes mans de squadre dal B.C. Une des dôs: o che il mur di chestis professionistis al iera tant grant di fê trimâ o che la scote de Questure no rapse avonde in sot. Al ven a jessi che nol baste, can cheste zintil gjornazio, metlur in man un sfuej di zîaz e cumiatâlis magari can tunc cimiade. Lôr s'infolin dai sfuejs di vîz e tornis a zîaz sol i puartis. Parç câpitâl che tes mans dai questurins e còlin dôs o tre zollis e di plui, chês istansis?

E parç la Questure o chês altris autoritâz che an dirli e dorê di fôlu, no pensino ancje a tanc' umin rîzâz chenli cui ta dontri?

La croniche zitudine e registre ogni di qualche fat edificant indult che i protagonisc e son par plui di Palermo, di Messine, di Napoli o di Bari. Ma se cheste bravissime int no'ndi fâs une des sâr nissun pense a disturbâle, nissun va a cîrile. O sarressin in zigôr qualchi „dazi“ special par fa stâ buine qualche autoritât? Alor, si capis, nol sates nuje cefâ.

In piazze dal Gran tal palaz di Kekler

Drogerie

di Aldo CRIVELIN & C.

Furlans!

BIRE MORET

MARIO ZANUTIN
DI PERSEO

Pitôr - Decoratôr - Vernisadôr

Contrade Cistelane Nr. 46 tel. 98 - UDIN -

Lis "manutis,"

LIENDE

Par colpe dal timp, ch'è gnot 'o vin scugnûr fermasi te Casere di Rucje, ream di Barbe Tite, che nus prontà la cene e lis cussis di stram par durmì.

Li di là 'e rugnavin vacis, purciz 'e fèdis; ma 'tor dal fogolar de casere intant che la ploe 'e bat e l'ajar s'ingrinte cuintri lis picchis de mont, a nol fàs fastidi nujer.

'O sin un trop da cjaf dal fûc e la stracade no nus fà fate passà la voc di ridi e di vosà. Barbe Tite al nus ualme par sot, mo' un mo' l'altri; po' a conclusion dai siei pinsirs, al bruntule:

— No seis plui zoventût selet; No nus va masse a plomp chesta sentenzie, e 'o protestin zigant. Ma vadì ch'al à resen Barbe Tite: di jessi selez al pò staj ch'o vebin nome la vos. Eco: 'o sin fîs dal nestri timp, ch'al pâr dret e elâr e, sot dal liniament crûz, al cove dute une passion di int che elr e no cjate, che ûl e no pò.

E par no cjatà da di cul nestri vecjo paron di cjase, j domandin une conte. A'ndi sà tantis Barbe Tite, e i plâs di contà.

Lajû, te buse indulà ch'è fîs la mont e che si cûjete l'aghe dal ruaz, propri daprûf de ruvis, 'e je une plagne: li 'e flurissin lis "manutis" che fûsin une panole drete colôr di ciclamìn e sot 'e an une lidris che pâr une man di femine.

'E vuêlin di che li al stève di cjase Svualt pastôr, ch'al veve nome une fie. Biele, cussì biele che, co' 'e jessive la matine a passion cu lis fedis, i ucej 'e tasevin par cjalâl e l'ajar al lassave di sdrindulà lis rosutis dal prat. Parè che jè 'e jere plui biele di dut: vòj colôr la l'aghe fonde e cjavej clars come i rajs dal soreli. 'E cjantave outaldi (la compagnavin esibian lis fucis), e filave cu lis sôs mans biancs e lizeris tanche lis alis dai colomps. Cui che la viodeve j parave che dute la mont e il cil e l'aghe la vessin fate nassi lôr, une matine di viarte, e che la tignissin all, fûr de int, par che nissun j inurbidì i vòj o j impiàs il cûr di passion.

Al fo quanche Svualt pastôr al vendè i agnej, un an di setemane sante, ch'al clamà un pichepieri di val a faj il fogolar gnûf te cjase. In cjaf a un mès il fogolar al fo pront, biel lare cu lis lastris di tof. La gnot che lu screarin, Svualt al pojà sui lens la rame dal ulif e lu benedì. I vòj j colàrin parsore di sò fie inzenoglad e dal pichepieri. 'E jere ferme, la frute, ma si vares dir che la sbatave l'ajar.

— Ajar di vine' agns — al pensà — al ven e al va come ch'al è vignût.

L'indoman il pichepieri al parti cu la borse plene e i vòj che j rivedin:

— Che Diu us vuardi, int!
— Che Dio ti vuardi — j rispundè la fantate e j pojà la man te sò. La man biancje e lizere come un'ale di colomp 'e trimà:

— ...e ch'al ti compagni anjemò in chesta cjase.

Ance j vòj dal pichepieri 'e trimarin:

— Co' tu impiàs il fûc, impensiti di me, rose di mont.

Tun bati di voli al fo lontan e il sursûr dal so pas al muri tal cûr

de frute.

Ajar di vine' agns: al ven, al bat ai arsis. Lis monz 'e viodèrin a la plui biele a scuri i siei vòj, e la sò vòs piccasi a cjantis lungis di lontananze, che indulinziavin lis ros.

La cjase di Svualt 'e restà viarte ogni gnot par un che nol tornave. E j veve fevelât di amôr une di, lajû, tal prâr!

'E contin alore che lis Fadis de mont, une gnot di maj 'e jevarin "la plui biele" e la puartarin lassà adalt tes lor cjasis, dulà ch'a nol rive mai pit di om. E par che 'e tornàs a cjantà, a ridi, a fluri j gjavarin fôr il so cûr e j'n metèrin dentri un frêt, di cristall.

Dapit de mont, dongje la cjase

di Svualt, lis Fadis 'e butarin une scenerize: e nassè une rosule.

Tanc' agns plui tert — al jere muart Svualt e la cjase ruvinade — il pichepieri al tornà: vieli e sirac di vivi. Ma al s'impensave, al viodeve jevasi di chei rudinaz i dis lontan e la frute. Al la clamà e j rispundè il revoc.

Dongje dal so pit al viodè une rose cu la panole drete, colôr de vieste che puartave jè. La spramà fûr de nare: par lidris 'e veve une manute biancje, come ch'è jè quanche 'e trimave te sò.

Al vaive il pichepieri di bessol, cu la rose in man e il pinsir piardut tra lis robis piardutis. De piche de mont, une Fade, cui vòj colôr da l'aghe fonde e i cjavej clars come i rajs dal soreli 'e cûcave ridint.

« La plui biele »! Dentri 'e veve un cûr di cristall!

N. A. CJANTARUTE

CJASE BASSE

Dapit da culine 'e jè le cjase antiche.

Sul mûr, da bande de cort, 'e jè piterade une Madone che semee di ches che son tes incunsi su lis beores, dulà che di viarte si formin lis crôs (lis Rogazioni) a meti il triangul jenfri dai clas, e rosis di prât tai bussul di tresp o di bande, par denant.

'E jè verjone, di ager e agnoruns indaur, che anzit lis cjartis de frazzade di Sarsèt 'e fevelin di une "cente" e di une glesiate, il atôr, che nissun si vise plui.

Ma le cjase antiche 'e vif anjemò... Si capissij i agn dal mût che son metîz adun i mûrs can ch' modons lizers tai antij, e un braz di tráf ch'al ten sà il volt dai balcon e des puartis. Ance lis cjasis 'e an une flesumie lôr, come la int...

Cjase Basse 'e à ancjemò une muse di bontât come i pûrs muarz che tornin le gnot dai Sanz, a bevi

un got di aghe fresce tai cjaldîs e a vivi di acundon un momentin insieme cui fîs e cui nevòz te l'vecje cjase di une volte, tant buine, tant semplize, tant di cûr che l'unvâr 'e vignivin in file, te stâl, duc nei dal bors, parè che ch'è dai Vergi, a Sarsèt (che ur disin Bas, di se non), 'e jere le stâl pui cjalde di dutis, cun dods bestis e doi j'è di mans che ti strissinavin te une mont interie.

Il ... Bidin, che al veve alc ai so e rui di plui al lavorave la tiare dai Alarans, al faseve dispes nassins par lôr cui bûs, a menà vin a Udin te l'ostarie "dal Poz" o in ch'è dal a Padorn o il dai "Tre amis", o jù fin a Rivolt, su la Stradalle, o a Reane; e un pòc ca e un pòc là partit il Friûl.

Al veve cun sè simpri so nevòt Zuanoni — il di un so fradri — o Santo Alot o Jacu Cudugnèl. Lis feminis 'e levin a zornade ançe te campagne che il cont al veve tignide par sè; e tra onoranzis, napoleons d'aur, gènuis e sovranis di vecjo cugno, j pajavin un bon fit al paron: cundut-achei 'e restavin simpri di daj... Ma no an molade ch'è tiare nancje dopo muart Bidin, mancjât dal '45, che anzit Zuanoni e siei fîs — Tite, Bidin, Toni, Vigj e Agnol — 'e an regitate dute la sò robe...

'E jerin sudòrs di sanc: lavorà come juscjadenz e ià a durmì cun dós fucis di lidric e un zabar di polente... Ma nancje di meti le ligrie, lis fletis, il vivi d'in ch'è volte... Le sere, d'anvâr, al bastave un vecjo contestoriis sentât tal anez da fûr par tignì in berte dute le companie. — Altris tîmps, altre int in chei agn.

'E je vere che subit dopo dal '48 'e jere restade ançe a Sarsèt un fregul di code dal diâl: i amia di une volte nu vevin plui ch'è cunfidenze di prima e no si tratavin cun ch'è libertât e cun ch'è adeguenlezze. In chel pòc timp di libertât (l'an de republiche, 'e disin i viej), ognûn si jere infidat a di la sò impinion francje e nate, e subit dopo che dut al jere tornât come prin (ce Pasche, ce Pasche chei an...) la int si cjâlave di stoc e si schivave...

Ma cjase Basse 'e à zovât a fâ tornà un pòc di cuncardie tes fameis, un tic di pàs tai curtij, e un fregul di ligrie tal pais... Te vecje stâl di ter duc 'e cjatavin une cjadrée e une buine penale e une muse da ridi di ch'è fantazzutis — Sinte, Anute, Mûte... (agne Sinte dal '59 'e jere za lade a marit là di un Monticul a Toren, e Anute 'e jè restade vedrane e Mûte si è maridade pui tarde...)

E ancjemò 'e capitavin dispes i contestoriis...

Che i mestris e sorementris di contà flabis 'e vignivin di lontan a cîr, e sot sere si fermavin li dai Bas: 'e stavevin ben lôr dividî il timp e la strade, tant di rivà juste su l'ore di cene... Te cjase antiche ur fasevin un azet come a parintât vecje 'e ju tignivin in taule come se fossin stâz di fameis. Di li dai Bas no 'l è mai lât vie nissun pûr cu lis mans scjassant: par duc 'e jere une biele palote di farine e uae bocjade... di ce c'al jere... Po' vie in file, te stâl, che a chei tîmps e jere a soreli jevât, dongje dal morâr grant che al è ancjemò.

Al rociave a: contestoriis di tignû su li zovari di tre istanzis, cu lis latanis par duc i mûarz o par duc i vis d'in ch'è volte... Po' si metevin a contà.

Le int si comedave su la cjadrée, il contestoriis si sciarive le vòs e... « Al jere uae volte... »

Ch'è frutatis che stevin in crist su la banceje, narceche si jerin strén tis par fâj puest al zovin, 'e fermavin un moment di lavorà... Ance lis feminis 'e alzavin i vòl dal lavorà...

E il mestri e sorementris al comtave...

Un par sere... e ogni duc al veve



AL E' IN VENDITE

IL CJAVEDÂL

Lunari de "Patrie dal Friûl,"
pal 1947

Cjoleila daurman se no o ch'al
si finis o ch'al va di mâl

VILIS CHE NO SON PLUI

SIVRIONS

La Badie di Muez 'e possedeve une vore di bens in Friûl e in Carnatie, come ch'al risulde da un "rodul" dal secul XIII che si conserve in nestre Biblioteche (n. 1303 dal mss.). Fra lis localitaz nomenadis in chest document al figure ançe Sivrons, che Batistole tal so libri su la Badie al supon tratasi di Savalons. Efevimentri no si trate di chest pais nu di une vilute che doveve cjatâ tes vizinanzis di Vendoi o di Cjassà.

Difat, tal rodul Sivrons al è nomenât immediamentri dopo Cjassà:

(c. 18) In Vtino ill. Mansi qui solvant xviii. staria frumenti... In Conegliano i. Mansus qui solvit ill. mensuras frumenti... In Cassacho st. ill...

Insciurionz i. Mansus qui solvit xviii. libras denariorum Aquil.

Apud Colles (Quals?) vii. Mansus, quilibet solvit alteram dimidium mensuram framenti...

Tratansi di un non cussì tipic, che no l'cjate altris riscontros ('o cognòs dome un Sevirij, dongje Reane — « ab ortu via Bariglaria » — ricuadât dal 1581), al sarès important podè jà un po' di lûs in proposit, tant plui che Beloni (I, 180 t.), fevelant di Vendoi al momene une « ecclesia S. Marie de Sivronio (1360) ». (Par vò notiziis su chesta glesie, ancjemò agns indaur 'o à scrit a Vendoi e a Trep, m: no à vude nissune ri-

spueste).

La date plui lontane che riguarde chesta localitât 'e rimonte al 1226, e le à cjatade tes schedis che il cent Antonin di Prampar al veve mitût dongje ripassant i documenz lassâz dal dotôr Iop. E ançe in ciaz sponz che il prof. Wolf al veve passaz al Prampar 'o cjati nomenât dal 1358, tra Solargis e Chassacho: Sivrons. Esaminant la cjartis dal nodâr (Colorêt, 1373-1374), sot la date dal 12 di decembar e discorint di Vendoi, 'o cjati chestis peraulis: « in loco qui

dictur Sivrons... in pertinentijs de Sivrons... apud Franciscum de Sivrons ». Un par di volts lu à ançe incuntrât tal nodâr Nibissio di Glemone (setembar 1264): « Salvagno et fratre de Sivrigions »; « Actum in Sivrigions in manso dicti Rainerij ».

Il dotôr Vico Zanin, che tant al si interesse des nestris glesiadis di une volte e ch'è j plâs di li in zir cul cjal di fiâr, al farès une vore di ben a fâ une ricercje sorelâc.

TITE

Una pubblicazione impuante

La Region dal Friûl

La Cjamarie di Comercio Industrie e Agriculture di Udin 'e à publicât e in chasc' di un lavor d'impuante capilâl par dutis lis guistions che si riferissin a l'autonomie regional. Si trate di sis monografiis, penzis di sostanze e di numars, cenze cjacaris inutilis, induit che dutis lis dificultaz e lis obiezioni che regnâ tiradis fûr ca e là cuintri il moviment autonomistic furlan 'e cjâtin une rispuete usitive, documentade, persuasive. La part storiche, linguistiche, demografiche, politiche e specialmentri ch'è economiche e industriâl 'e son tratadis da competens, cun ciletris di serietà, clerezze e obiettività, e la conclusion che ven fûr di dutis chestis considerazions e di duc' i calcu 'e je simpri ch'è: che la Furlanie 'e po' jà di bessole, 'e

à interes di jà di bessole, 'e po' spicciâsi dome cantaz a jà di bessole. Cui no son tamburadis retorichis, ne militantis, ne stimentalismos ne mistificazions: e son statisticis, resonanzis, dimostrazions fredis, precisis che vorressin di jà viarzi i vòj a duc' ch'è che no uelin tignîj siaz apueste par no viodi. Dopo di vè letis chestis cent paginis si scuèn di che cui ch'al si met cuntri lis aspirazions dal Friûl, nol po' jessi sburât altrî che da intes particularistis o da trapulsi di partit o da ignoranze integrâl; e che se i furlans e an un tuart, al è chel di domandâ e pralindî masse pòc e cun masse prudenze e calme, indulà che justizie e interes, uè e domân, cûr e cjaf ur datessin il dirit e salacor il dret di domandâ e di pralindî une vore di plui.

Vie Vit. Venit. 6

CJAF ALT, VOLI LEGRI,
CÂI TE MANS
SON LA BANCE D'ITALIE

Marcjātvieri 37
tel. 936

CJAF ALT, VOLI LEGRI,
CÂI TE MANS
SON LA BANCE D'ITALIE